

Xhosa - Uthandaza Umhobe - Praying WP Psalms 2017

Umhobe 68:1 *Kumongameli; ekaDavide. Umhobe. Ingoma. Makasuk' eme uThixo, zibe ziintsali iintshaba zakhe, Basabe ebusweni bakhe abamthiyayo.*

Umhobe 5:9,10 Ngokuba emlonyeni wabo akukho nto imiyo, Umbilini wabo ngumeyeliselo; Lingcwaba elivuliweyo umqala wabo; Bathetha okugudileyo ngolwimi Iwabo. 10 Bathwalise ityala, Thixo; Makatshitshe amaqhinga abo; Elukreqweni Iwabo oluninzi batyhale, Ngokuba bakuphikisile.

Umhobe 7:1,2 *Ishigayon kaDavide, awayivumayo kuYehova ngenxa yamazwi kaKushi, umBhenjamin.* Yehova, Thixo wam, ndizimela ngawe; Ndisindise kubo bonke abandisukelayo, undihlangule, 2 Hleze bawuqwenge njengengonyama umphefumlo wam, Bawudlavule, kungekho mhlangu.

Umhobe 11:6 Uya kubanisela abangendawo imigibe; Umlilo, nesulfure, nomoya olulophu, yindebe yabo abayabelweyo;

Umhobe 18:2 Yehova, ngxondorha yam, mboniselo yam, msindisi wam, Thixo wam, liwa lam endizimela ngalo, Ngweletshetshe yam, Iuphondo losindiso Iwam, ngxonde yam!

Umhobe 18:14 Wathuma iintolo zakhe, wabaphangalalisa; Yamininzi imibane, wabadubaduba.

Umhobe 18:17 Wandihlangula elutshabeni Iwam olunamandla, Kwabandithiyileyo, ngokuba bebomelele kunam.

Umhobe 18:39 Wandibhinqisa ubukroti ekulweni, Wabaguqisa phantsi kwam abasukela phezulu kum;

Umhobe 18:45 Oonyana bolunye uhlanga bantshwenya, Baphuma bengcangcazela ekuvingcelweni kwabo.

Umhobe 18:48 Undisiza ezintshabeni zam; Ewe, wena undiphakamisayo kwabasukela phezulu kum, Undihlangule kumfo ogonyamelayo.

Umhobe 23:3 Uyawubuyisa umphefumlo wam; Undikhaphela ezindleleni zobulungisa ngenxa yegama lakhe.

Umhobe 27:11 Ndiyalele, Yehova, indlela yakho, Ndikhaphe emendweni othe tye, ngenxa yabandilaleleyo.

Umhobe 31:15 Asesandleni sakho amaxesha am; Ndihlangule esandleni seentshaba zam nakwabandisukelayo.

Umhobe 34:4 Ndamfuna uYehova, wandiphendula; Wandihlangula kwiinto zonke endinxunguphala zizo.

Umhobe 34:7 Isithunywa sikaYehova sibangqinga ngeenxa zonke abamoyikayo, Sibahlangule.

Umhobe 34:13 Gcina ulwimi Iwakho ebubini, Umlomo wakho ungathethi

nkohliso.

Umhobe 34:17-19 Akhala, weva uYehova; Wawahlangula ezimbandezelweni zayo zonke. 18 Usondele uYehova kwabantliziyo zaphukileyo, Abasindise abamoya utsyumkileyo. 19 Buninzi ububi obulihlelayo ilungisa, Ke uYehova ulihlangula kubo bonke.

Umhobe 35:1-35 EkaDavide. Bambana, Yehova, nababambana nam. Yilwa nabalwa nam. 2 Qubula ikhaka nengweletshetshe, Usuk'ume undincede. 3 Rhola umkhonto, uvingce indlela yabandisukelayo; Yithi kumphefumlo wam, Ndilusindiso Iwakho. 4 Mabadane, bahlazeke, abazungula umphefumlo wam; Mababuye umva babe neentloni abacinga ububi ngam. 5 Mababe njengomququ phambi komoya, Sibatyhale isithunywa sikaYehova, bawe. 6 Indlela yabo mayibe mnyama, ibe buthelezi, Sibasukele isithunywa sikaYehova. 7 Ngokuba basigqumele mna isibatha sabo ngelize; Bawumbela isihogo umphefumlo wam ngelize. 8 Mayimfikele intshabalalo engazi; Sibambise yena isibatha sakhe awasigqumayo, Eyele kuso ngesithonga.

Umhobe 35:10 Onke amathambo am aya kuthi, Yehova, ngubani na onjengawe, Mhlanguli wosizana kowomeleleyo kunalo, Kwausizana nehlwempu kumxhakamfuli walo?

Umhobe 36:7-9 Hayi, ixabiso lenceba yakho, Thixo! Oonyana babantu bazimela ngethunzi lamaphiko akho. 8 Bayahluthiswa kukutyeba kwendlu yakho; Ubazeza emlanjeni weziyolo zakho. 9 Ngokuba likuwe ithende lobomi; Ekukhanyeni kwakho sibona ukukhanya.

Umhobe 37:5 Yiyekele kuYehova indlela yakho, Ukhelope ngaye; wokwenzela,

Umhobe 37:23,24 Amanyathela omfo aqiniswa nguYehova, Ayithande indlela yakhe. 24 Ewile, akayi kuqungquluza, Ngokuba nguYehova umxhasi wesandla sakhe.

Umhobe 37:40 UYehova uyawanceda, awasindise, Awasindise kongendawo, awasindise, Ngokuba azimela ngaye.

Umhobe 39:1 Kumongameli, kuYedutun. Umhobe kaDavide. Ndathi, Ndiya kuzigcina iindlela zam, Ndingoni ngolwimi Iwam; Ndiya kuwugcina ngokuwubopha umlomo wam, Xa ongendawo asephambi kwam.

Umhobe 41:4 Ndithi mna, Yehova, tarhu; Philisa umphefumlo wam, ngokuba ndonile kuwe.

Umhobe 42:5,11 Kungani na ukuba usibekeke, mphefumlo wam; Kungani na ukuba ugule ngaphakathi kwam? Lindela kuThixo, ngokuba ndisaya kubuya ndibulele kuye, Olusindiso lobuso bam, noThixo wam. 11 Kungani na ukuba usibekeke, mphefumlo wam; Kungani na ukuba ugule ngaphakathi kwam? Lindela kuThixo, ngokuba ndisaya kubuya ndibulele kuye, Olusindiso lobuso bam, noThixo wam. (Umhobe 43:5)

Umhobe 43:1 Lithethe ityala lam, Thixo, ubambane ngenxa yam nohlanga

olungenanceba; Ndisindise endodeni ekhohlisayo, enobugqwetha.

**Umhobe 44:4 Wena unguKumkani wam, Thixo; Yitscho lubekho usindiso
kuYakobi.**

**Umhobe 51:4 Ndonile kuwe, kuwe wedwa, Ndenza okubi emehlwani akho;
Ukuze ube lilungisa ekuthetheni kwakho, Ucace ekugwebeni kwakho.**

**Umhobe 52:5 Naye uThixo uya kukudiliza kuphele; Uva kukuxwila,
akuncothule ententeni, Akudonyule ezweni labaphilileyo. (Phakamisani.)**

**Umhobe 54:7 Ngokuba lindihlangule embandezelweni yonke; Iliso lam
libonela iintshaba zam.**

**Umhobe 55:18 Uwukhulula umphefumlo wam unoxolo, ukuze bangasondeli
kum, Ngokuba baninzi abandichasayo.**

**Umhobe 59:2 Ndihlangule kubasebenzi bobutshinga; Ndisindise ebantwini
abanamagazi.**

**Umhobe 60:12 NgoThixo siya kweyisa, Wobagqusha yena ababandezeli
bethu.**

**Umhobe 63:11 Ke yena ukumkani uya kuvuya ngoThixo; Baya kuqhayisa abo
bonke bafunga yena; Ngokuba uya kuvincwa umlomo wabathetha
ubuxoki.**

**Umhobe 66:3 Yithini kuThixo, Hayi, ukoyikeka kwemisebenzi yakho! Ngenxa
yobuninzi bamandla akho ziya kuhanahanisa kuwe iintshaba zakho.**

**Umhobe 68:6 UThixo nguhalisa endlwini ababebodwa, Ngukhuphela
enywebeni ababanjiweyo; Ngabaziinjubaqa bodwa abahlala
kwelibalelelweyo.**

**Umhobe 68:35 UloThixo woyikekayo ezingcweleni zakho. UloThixo
kaSirayeli, ubanikayo amandla nokomelela abantu. Makabongwe uThixo.**

**Umhobe 70:1 Kumongameli; ekaDavide; eyokukhumbuza. Thixo, khawuleza
undihlangule; Yehova, khawuleza undincede.**

**Umhobe 71:4 Thixo wam, ndisize esandleni songendawo, Esandleni
sogqwethayo nosisibhovubhovu.**

**Umhobe 71:13 Mabadane, bagqitywe, abawuchasayo umphefumlo wam,
Bathiwe wambu yingcikivo nehlazo abafuna ukuba ndihlelwe bububi.**

**Umhobe 72:12 Ngokuba uya kulihlangula ihlwempu elizibikayo,
Nabaziintsizana abangenaluncedo;**

**Umhobe 76:12 Uya kunqumla ukufutha kweenganga, Uyoyikeka kookumkani
behlabathi.**

**Umhobe 79:9 Sincede, Thixo ongumsindisi wethu, ngenxa yozuko Iwegama
lakho, Usihlangule, uzixolele ngocamagushelo izono zethu ngenxa yegama
lakho.**

**Umhobe 86:17 Ndenzele umqondiso wokulungileyo, Bawubone abandithiyayo,
badane, Kuba wena, Yehova, undincedile, wandithuthuzela.**

**Umhobe 91:14,15 Ngokuba enamathele kum, ndomsiza; Ndimse engxondenzi,
ngokuba elazi igama lam. 15 Wondibiza, ndiphendule, Ndoba naye**

embandezelweni; Ndomhlangula, ndimzukise;
Umhobe 92:11 Iliso lam liyababonela abandilalelayo, Indlebe yam iyabeva
abasukela phezulu kum benobubi.

Umhobe 103:10 Akenzi kuthi ngokwezono zethu, Akasiphathi
ngokobugwenxa bethu;

Umhobe 104:9 Wamisa umda ukuba angegqithi, Angabuye awugubungele
umhlaba.

Umhobe 107:6 Bakhala ke kuYehova embandezelweni yabo, Wabahlangula
ekucuthekeni kwabo;

Umhobe 118:10,12 Zingafanelana zonke iintlanga zindirhawule: Egameni
likaYehova inene ndozinqumla. 12 Zingafanelana zindirhawule
njengeenyosi: Zocinywa njengomlilo weentsasa; Egameni likaYehova
inene ndozinqumla.

Umhobe 121:7,8 UYehova uya kukugcina ebubini bonke, Uya kuwugcina
umphefumlo wakho. 8 UYehova uya kukugcina ukuphuma kwakho
nokungena kwakho, Kususela ngoku kude kuse ephakadeni.

Umhobe 138:3 Ngomhla wokubiza kwam wandiphendula, Wandikhaliphisa,
yangamandla emphefumlweni wam.

Umhobe 140:1,4,5 Kumongameli. Umhobe kaDavide. Ndihlangule, Yehova,
esintwini esinobubi, Ndilondoloze emntwini ogonyamelayo, 4 Ndigcine,
Yehova, ezandleni zongendawo, Ndilondoloze emntwini ogonyamelayo,
Abacinga ukuzikhubevisa iinyawo zam. 5 Abanekratshi bandiqhushekele
isibatha nezintya, Baneke umnatha ecaleni kwendlela, Bandithiyele
ngemigibe. (Phakamisani.)

Umhobe 142:6 Kubazele indlebe ukuhlahlamba kwam, Ngokuba ndiswele
kakhulu: Ndihlangule kwabandisukelayo, Ngokuba bomelele kunam.

Umhobe 143:9 Ndihlangule ezintshabeni zam, Yehova. Ndizimela ngawe.

Umhobe 147:14 Ngulomisa uxolo emideni yakho, Wakuhluthisa ngengqolowa
etyebileyo.

Umhobe 149:6-9 Yimibongo kaThixo emqaleni wabo, Likrele elintlangothi
mbini esandleni sabo; 7 Ukuze benze impindezelozintlangeni, Izohlwayo
eziweni; 8 Bakhonkxe ookumkani bazo ngemixokelelwane, Nabazukileyo
kuzo ngamakhamandela esinyithi; 9 Benze kubo isiko elibhaliweyo. Luzuko
olo Iwabakhe benceba bonke. Haleluya!